

Wat brannt daar denn?

Dank Corona hebben wi nu för 't eerste Maal in Oktobermaant dat Oosterfürür ofbrannt. Tegen de Gestank un de Fienstoff hulp verleden Saterdag keen Nöös-Mund-Schuul, daar muss man dör. Man de Nahbers hebben maal weer binner stahn of seten, Braadwurst eten un sük wat vertelt. Een Upregen daarbi weren de beid Andragen van en Mesterske ut Nordrheint Westfalen un en Grönen ut Auerk, de de Branneree up de leste Moment noch verbeden wullen. De Brannndag weer lang bekannt, de Minsken harren 't all vorbereidt – muss dat een Dag vördeem noch vör Gericht gahn? Daarmit hebben sük de beid Froolüü seker keen Frünnen maakt. Un uplest is dat doch eendoon, of de Struken un Tacken in Vörjahr of in Harvst ofbrannt worden, de Schaa för de Umwelt is desülvige. Wenn lest Saterdag nich brannt worden weer, harr man token Paasken de Bülten even en bietje hoger upschichten musst.

Nadat dat Brannen nu daan is, kann man villicht en bietje ruhiger over de Saak proten. De Froolüü, de vör Gericht trucken sünd, gung dat egentlik nich um dat Paaskefürür. Se strieden för de Schuul van de Natuur un de Deren. Hand up Hart: Hebben würrlek all Oostfresen hör Bülten een of twee Daag vör 't Brannen nochmal umschicht, so dat daar keen Deren in verbrannen? Un is daar



Cornelia Nath

terdag nich brannt worden weer, harr man token Paasken de Bülten even en bietje hoger upschichten musst.

Nadat dat Brannen nu daan is, kann man villicht en bietje ruhiger over de Saak proten. De Froolüü, de vör Gericht trucken sünd, gung dat egentlik nich um dat Paaskefürür. Se strieden för de Schuul van de Natuur un de Deren. Hand up Hart: Hebben würrlek all Oostfresen hör Bülten een of twee Daag vör 't Brannen nochmal umschicht, so dat daar keen Deren in verbrannen? Un is daar

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

würrlek blot Ofgefall ut de Natuur verbrannt worden, of weren daar nich doch en paar farvt Breden of anner Strunt mit bi, de egentlik anners entsörgt worden muss?

Wenn Bruukdoom up disse Maneer to Missbruuk föhrt, is dat bewennt to fragen, of dat sinnvull is. Van ollers her wurr bi 't Paaskefürür so temelk alls verbrannt, wat brannen dee. Nüms froog daarna, of dat good för de Umwelt is. Man mit disse Instellen komen wi vandaag nich mehr dör. De Regels können licht umgahn worden, umdat nüms in de Laag is, all Brannsteden to kuntrolleren. Man wenn de Regels blot unner Kuntroll inhollen worden, steiht dat Bruukdoom in Fraag. In Tieden van Klimawannel un riegenwies Utstarven van Deren kann man daar nich mehr gliekgültig mit umgahn.

De Politik kann Paden finden, wo all Holt- un Struukwark mackelk entsörgt worden kann. Denn geev dat keen Grund mehr to brannen. Denn weer dat ut mit dat Bruukdoom un dat Tosamenkomen mit de Nahberskupp of mit dat hele Döörp. Also, Oostfresen, overleggt jo, wo ji dat Paaskefürür schierder un mit de Umweltschuul overeem kriegen können!